

بازار ایرتسی

فی ۲۳ شعبان سنه ۱۳۲۸

وفی ۱۶ اغستوس سنه ۱۳۲۶

جمعیت علمیہ اسلامیہ نك ناشر افکاریدر

صاحب امتیاز :

فاتح مجیز درسعاملرندن

استانبول مبعوثی

مصطفی عاصم

سر محرر :

فاتح مجیز درسعاملرندن

توقاد مبعوثی

مصطفی صبری

مدیر مسئول :

مکتب قضاة معلملرندن

کلیملی منیر

مندرجات

بر قطعه طاهرالمولوی	وعظلمیزدن مأورینك اوصافنه دأر
تحمیس غزل میرسعود طاهرالمولوی	نه فکیده بولنه لم ع . خیری
عشقنامه مسعودالمولوی	تحصیل نسوان فاطمه نزیبه
تضمین مسعودالمولوی	اسلامده علوم و فنون ع . عاکف
رباعی مسعودالمولوی	اسای وسطی ده انکلیز - روس رقابتی نظام الدین
ترکیا اتفاق ایتملی می عبدالاحد داود	ادبیات
	شکوفه بهارستان طاهرالمولوی



نسخه سی ۱ غروشدرد

آبونه اجرتی (پوسته اجرتیله برابر در)

ممالک اجنبیه ایچون :

۶۰ ، ۲۰ فرانق

» ۱۰ ، ۳۰

استانبول وولایات ایچون :

بر سنه لکی ۶۰ غروش

القی آیلانی ۳۰ »

درج اولنمیان اوراق اعاده ایدلمز

قارئلرمنزه

اکثر مقالاته آیات کریمه واحادیث نبویه درج ایدلمش بولندی نظراعتبارده آلنه رق رعایتسزلکده بولنداماسی رجا اولنور .

در سعادت

محمود بك مطبعه سنده طبع اولنمشدر

مؤسسه‌ی احیا ایدیور حتی قادیلر من ایچنده فاطمه علیه خاتم کبی برچوق مدار افتخارم زده وار شونی کمال جساتله سویله بیلورمه بوکبی تحصیل ، تربیه اسلامی سه خلل کتیر میان قادیلر من ینه اوتریه بی آغوش مادرده تحصیل ایتدیلر بوکیلرک وجودیه ارککلریم زده افتخار ایدر . فقط ابتدای انقلابم زده مطبوعاتمزی بیه کیرله تن برطاقم قادیلر منک یازدقلرینی دوشونورسه ارککلریمزی بک حقی کوریرز و محترم بیسان الحق منک کچن هفته کی تنقیداته کمال قناعتله اشتراک ایدرز .

دارالمعلمان ، آذونه

فاطمه نذیر

اسلامده علوم وفنون

خطابت ایله شعر ، عربک دور جاهلیته عائد علومدن اولوب اسلامیتک ظهوریه بونلرک شرفی ، رونقی ، بلاغتی برقات دهآ آرتمشدر ؛ شوقدر وارکه اهل اسلامک فتوحات وغزوات خصوصنده خطابت احتیاجاری زیاده اولدیغندن او فن ، ترقی جهتیله شعره تقدم ایتمشدر ؛ چونکه خطابت شعره نظراً سهل الفهم اولقله برابر استجلاب هم ، تحریک حماسه ، جمع جنود ، ترهیب اعدا کبی امور مهمه ده مسلمینک ایشنه یارایوردی ، برده افکار عامه اوزرنده تأثیر بلیغی مشهود اولان امثال وحکم شعر ، خطبه قدر قولایقله درج اوننه میوردی ؛ بو جهته ارباب دهآ شعردن زیاده خطابتیه میل ایتش و خطبه لرینی قرآن کریمدن برچوق آیات ایله ترصیع وتزین ایلشلدرد .

مسلمین ، اکثر مهالک حریبه ده تأمین موفقیت ایده رک برچوق ممالکی الده ایتش ، برخیلی اقوامه حاکم اولش ، متعدد لسانلره اطلاع حاصل ایتش اولدقلرندن فکریلری ترقی ، ذوق ادبیلری تراید ایلمسیله کندیلرنده قوت خطابت بر درجه یه واصل

اولمشدرکه یونان وروماده داخل اولدینی حالده بونلر قدر خطبا یتشدیرن اولمامشدر ، یونانیلرک الک بیوک خطیبی اولان (دموستن) ه التمش بر خطبه نسبت اولتمشدرکه بو مقدارک همان نصفنک مشارالیه نسبتی خطا اولدیغنه قائل اولاتلر واردر ؛ حال بوکه خطبای مسلمیندن یالکز امام علی (رضی الله عنه) یوزلرجه خطبه ایراد ایلشدر ، ذاتاً نشردین ، فتح بلدان خصوصنده اسلام خلفاء ، امرا وقوماندانلرینک قوه بلاغتری بک بیوک موفقیتلر تأمین ایتمشدر ، بربلده نک ، برقله نک ضبط واتسختیری ایچون عسکره قارشی ایراد اولنان بر خطبه بلیغنه نک سبب مستقل اولدینی چوق دفعه لر کورلمشدر ، ایشته یرموک وقعه سنده خالد بن الولیدک ، قادیسیده مغیره نک ، اندلس فتحنده طارق بن زیادک ایراد ایلدیکی خطبه لرله امثالی بو قیلدندر .

اسلامده خطبه ایلریله مکله برابر شعرده حائز اولدینی موقع بلندندن سقوط ایتهمشدر ، شعراک چوق ملوک امویه نک احسان وتوقیرینه مظهر اولمشدر ، بونلر خلقه قارشی اداره لرینی خوش کویسترمک ایچون شعرائی الده آلت ایتشلدردی ، بونلری جائزله نمون ایده رک هم ایشلرینی کوریورلر ، مقصدلرینه نائل اولیورلر ، همده هجو وقده لرندن سالم قالیورلردی ، امویه دن یالکز عمر بن عبدالعزیز (رحمه اه) زهد وتقواده خلفای راشدین مسلکینه سالک اولدیغندن مشار الیه ک زمان خلافتنده شاعرلر اوقدر یوز کورمه مشلدرد ، عباسیلردن خلیفه منصور شعرایه حسن قبول کویسترمه مشدی ، هر طرفدن هجویه لر باشلادی بونک اوکنی آله مدن کیتدی یالکز اخلاقی کندیسندن عبرت آله رق مدح ایدناره جائزه ، هجو ایدنلره صبر وتحمل ایله مقابله ده بولندیلر .

نجی حمداندن سیف الدوله ، ادیب وشاعر ایدی ،

نوسیع حدوددن کری طورمادینی معلومدر . روسلرک آسیای وسطی ده کی توسع عظیمی نابولتون محاربه لرینک ختامی تاریخندن ابتدا ایدر . اساساً ، ۱۸۱۳ ده کلاتان

معاهده سیله ایراندن طاغستانی ، شیروانی و (آراقس) منصوبه قدر سواحل بحر خزری ضبط ایتش اولان روسلر ، بر قاج سنه صوکره ، برنجی نیقولانک زمان اداره سنده و ترکمانچی معاهده سیله نهایت بولان محاربه نتیجه سنده (اریوان) ، (نخجوان) ی تسخیر ، و (آراقس) ایله (آرات) قدر نمند اولان ارمنستان ایرانی ده حاکمیتلرینی تأسیس ایلدیلر .

هر محاربه نتیجه سنده عجم شاهی سیاستی روس منافقه غیر موافق برطرزده تعقیب ایده بیلیمک اقتدارینی غائب ایدیور ، و ایرانک تمامیه روس نفوذی آلتده قلمسی و بلکده مملکت مذکورده روس حاکمیتک تأسیس ایتیهی قورقورلی یواش یواش کوسه تریور ایدی .

رقیبک سواحل ایرانیهی زیر تحکمه آلهرق بو صورتله هرمن بوغازینک مدخله حاکم اولمسی احتمندن طولانی دوچار خوف وهراس اولان انکلتزه ، روسیه ایله ۱۸۳۴ ده بر معاهده عقد ایلدی بو معاهده موجبجه طرفین عاقیدن ایرانی بر (حکومت مستقله) اولهرق محافظه ایلمکی تعهد ایدیورلردی .

اتلاف مذکور ، انکاتره ک ایران جهتندن اولان قورقورنی ازاله ایلمش و بوخصوصه کندینه اطمنان بخش اولمش ايسه ده روسلری ترکستان مرکزی و هند شمالی استقامتمنده (ایرتیش) جنوبیه طوغری واقع اولان تومارنده سربست برافش ایدی .

اساساً ، (۱۸۳۰) سنه میلادینسک روزنامه شتونی روسلرک ، برنجی دفعه اولهرق (یاقسارت) ه پای انداز استیلا اولدقلرینی قید ایلمش ایدی .

مالک مفتوحه نک خطه هندی دن غایت اوزاق بر

بونک زمان حکومتده شعرا فوق العاده مظهر حرمت اولدی ، هیچ بر ملک بونک قدر کندینی شاعرلره سودیرمه موفق اولماشدر .

عربک ادوار جاهلیتمده یتیشن شعرانک آناری غایت ساده و صنایع لفظیه دن عاری ایدی ، بو حال ، بداوت حیاتنک ساده لکندن ایلری کلیوردی ، آنک ایچوندوکه شعرلرنده کوریلن شیر هپ موجود اولان شیردن عبارتدر ، وقتا که اسلامیت ظهور ایدره قنوحات باشلادی عرب باشقه لاشدی ؛ چونکه کشورل فتح ایدیور ، عالم کوریوردی ، کیده ، کیده فکرلر دیکشیدی ، دوشونجهلر یوکسلیدی ، نلر کوریور ، نلر ایشیدیورسه هپسینی سونلک ، هپسینی آکلاتق ایسته یوردی ؛ بو جهته ظهور اسلامدن صوکره یازیلان ، سوبله ن شعرلر صوکه درجه مزین ، مجاز و کنایات ایله مرصع برحاله کوریلور .

طرز تصور و افاده لرک بو صورتله دیکشیمه سندن طولانی شعرای عرب ، درت قسمه آیرلشدر ، بونلرک برنجیسی شعرای جاهلیه درکه امروالقیس ، غنزه ، ابن کثوم ، زهیر ، نابغه ، علقمه ، طرفه بونلردندر ، ایکنجیسی مخضر منیدرکه حسان بن ثابت ، کعب بن زهیر ، جریر ، اخطل ، فرزدقه بو طاقندندر ، اوچنجیسی مولدین درکه بونلرک مشهورلری بشار العقیلی ، ابوالعتاهیه ، ابونواس ، ابوتام و بختری در ، دردنجیسی محدثین در ، بونلرکده مشاهیری : متبی ، معری ، شریف رضی و امثالدر .

قونیه لی :

ع . عاطف

اسیای وسطی ده انکلیز - روس رقابتی

مابعد

ارن طقوزنجی عصرده روسیه نک هندستان استقامتمنده